

S252/472.11
1450
2部11

成集

外科正宗



外科正宗卷十一

海甯許 楣辛本訂

明崇川陳實功著

吳江徐大椿靈胎評

海甯蔣光燾寅昉校

鵝掌風第七十九

鵝掌風由足陽明胃經火熱血燥外受寒涼所凝致皮
枯槁又或時瘡餘毒未盡亦能致此初起紫斑白點
久則皮膚枯厚破裂不已二礬湯薰洗卽愈
徐曰此症必用塗藥烘手洗方無益也



南京中医药大学图书馆藏

一礬湯

二礬湯中白皀礬先薰後洗油烟照

見茶柏葉在其間鵝掌風痛愈不難

治鵝掌風皮膚枯厚破裂作痛宜用此湯薰洗輕則不宜越重越效。

白礬

皀礬

各四兩

孩兒茶

五錢

柏葉

半斤

用水十碗同上藥四味煎數滾先用桐油搽抹患上再以桐油蘸紙撚點著以烟燄薰片時方將前湯乘滾貯淨桶內用布蓋好將手伸入以湯薰之勿令泄氣待微熱傾入盆內蘸洗良久一次可愈七日忌下湯水永不再發



北京中醫藥大學圖書館版權所有

腎囊風第八十

腎囊風乃肝經風溼所成其患作癢喜浴熱湯甚者

痞頑麻破流脂水宜蛇牀子湯薰洗二次即愈

蛇牀子湯

蛇牀子湯當歸尾河水同煎薰患處

苦參片加威靈仙腎囊風癢得安然

治腎囊風溼熱爲患疙痞作癢搔之作疼者

蛇牀子

當歸尾

威靈仙

苦參

各五錢

水五碗煎數滾入盆內先薰待溫浸洗二次愈

徐曰此專治之方

楣案蛇牀子徐圈



狼毒膏

狼毒膏中用檳榔
川椒楓肉同油沸

蛇牀五倍子硫黃
投入皮硝膽汁良

治症同前。

狼毒

檳榔

硫黃

五倍子

川椒

楓子肉

蛇牀子

各三錢

右爲末。用香油一大杯煎滾。入皮硝三錢。再煎滾次

下公豬膽汁一個和勻。調前藥搽擦。此藥諸癢瘡用

之並效。

此句
徐圈

楣案楓子肉蛇牀子徐圈。

疥瘡論第八十一



夫疥者。微芒之疾也。發之令人搔手不閒。但不知其何
以生者。疥曰。吾不根而生。無母而成。乃稟陰陽氣育。
溼熱化形。常列於王侯掌上。何妨士庶之身。可使文
人怕筆。繡女停針。毋分貴賤。一例施行。醫問曰。不生
於身。獨攻於手者。又何也。疥曰。手掌乃太陰溼土所
主。手心又少陽相火所司。土能生我。火能化我。此生
皆賴溼土陽火所化。故生者必出於手掌。醫曰。然哉。
但其形知動而不知靜。能進而不能退。自非清氣所
化也。又脾主消納。胃主傳化。人之飲食。未有不從厚

味者厚味之中。溼熱並化。致生此瘡。又清氣隨脈循
行。濁氣留滯不散。停留肌膚。積日不解。隨後生熱。發
癢。故癢熱之中。溼火混化。爲蟲形。隨溼化動。隨火化
此無情而之有情也。旣化之後。潛隱皮膚。展轉攻行。
發癢鑽刺。化化生生。傳徧肢體。近則變爲疥癬。久則
變成頑風。多致皮膚枯槁。浸淫血脈。搔癢無度。得湯
方解。是宜外以繡毬丸搽擦。止癢殺蟲。內服消風散。
散風涼血。兼戒口味。辛熱莫啜。忌洗熱湯。其煩自脫。
此爲小恙。不當陳說。閒中之言。隨筆而白。

消風散

消風散內歸生地
胡麻知母牛蒡子

蟬蛻木通蒼朮
石膏甘草與防荊

治風溼浸淫血脈致生瘡疥搔癢不絕及大人小兒

風熱癰疹遍身雲片斑點乍有乍無並效

當歸

生地

防風

蟬蛻

知母

苦參

胡麻

荊芥

蒼朮

牛蒡子

石膏

各一錢

甘草

木通

各五分

水二茶鍾煎八分食遠服

徐曰此浮泛之方

當歸飲子

當歸飲子芍芍耆
甘草何首烏荊芥

生地防風白蒺藜
諸風瘡痒服之宜



治血燥皮膚作癢及風熱瘡疥搔癢或作疼痛

當歸

川芎

白芍

生地

防風

白蒺藜

荆芥

何首烏

各一錢

黃耆

甘草

各五分

水二茶鍾煎八分食遠服

徐曰亦泛方

繡毬丸

繡毬丸內用樟冰雄黃枯礬楓子肉

輕粉川椒共水銀諸瘡疥疥擦之靈

治一切乾溼疥瘡及膿窠爛瘡搔癢無度者

樟冰

川椒

枯礬

輕粉

水銀



雄黃

各二錢

楓子肉

另選一百漚

以上共為細末。同大楓子肉再碾和勻。加柏油

化開。和藥攪勻。九作圓眼大。於瘡上擦之。

徐曰。水銀入皮膚中有毒。不宜用。

諸瘡一掃光

諸瘡一掃光。硫柏水銀。楓子。樟冰粉。

木鼈。牀椒。枯白礬。白砒。苦參。烟膠。參。

治癢瘡。不論新久。及身上下。或乾或溼。異類殊形。但

多癢少痛者。用之俱各有效。

苦參

黃柏

各一斤

烟膠

一升

木鼈肉

蛇牀子

點紅椒

明礬

枯礬

硫黃

楓子肉



北京中医药大学图书馆版权所有

樟冰

水銀

輕粉

各三兩

白砒

五錢

共爲細末。熟豬油二斤四兩。化開入藥攪勻。丸作龍服大。瓷瓶收貯。用時搽擦二次卽愈。

徐曰。此藥用者。往往使毒入裏。變成瘡蠱。慎之。

楣案硝皮。鋪刮下諸皮之膜。炒成炭研末。謂之烟

膠。余見今人合瘡藥。多以淡巴菰烟筒中之油。當

之。問諸醫者。亦多不知。

洗癢瘡方

洗癢瘡方。只二般。公豬膽汁和勻洗。

苦參先將河水煎九日。三洗可全安。

苦參半斤。切片。用河水三四瓢煎藥。數滾參水二瓢。

住火片時。濾去渣。和公豬膽汁四五枚。攪勻淋洗。三
日一洗。三次亦可痊愈矣。

徐曰。此外治良方。

臙瘡論第八十二

臙瘡者。風熱溼毒相聚而成。有新久之別。內外之殊。新
者。只用三香膏乳香法紙貼之。自愈。稍久紫黑者。以
解毒紫金膏擦。扎漸可。年久頑臙。皮肉烏黑下陷。臭
穢不堪者。用蜈蚣錢法去風毒。化瘀腐。方可得愈。外
臙多服四生丸。內臙多服腎氣丸。



三香膏

三香膏內乳松香
葱湯洗淨方膏貼

輕粉油調紙內藏
何愁新久爛癰瘡

治癰瘡初起多瘰少癢未經受風紫黑者

乳香

松香

輕粉

各等分

右爲細末。香油調稠。用夾紙一面以針密刺細孔。將藥夾搽紙內。先以葱湯洗淨。將紙有孔一面對瘡貼之。三日一換自效。忌房事煎炒等件。

徐曰。此治一切溼風瘡俱效。

乳香法紙

法紙方奇用乳香
攤乾再摻真輕粉

紙捲浸八甘草湯
止痛生肌貼爛瘡

治癰瘡作痛不愈。先碾乳香細末一兩。聽用以呈文。



北京中醫藥大學圖書館版權所

每紙四張。每紙一張攤平。用乳香二錢五分細攤平。紙上雙折捲一寸闊。將捲紙復作三条。外用以綿扎之。用甘草一兩二錢水三碗。將捲過藥紙浸入甘草湯內。上用重物壓之。煮數滾。取起紙來。解去扎線。將紙攤開桌上。每張用輕粉三錢。糝乳香上用搜糊刷排刷令勻。提起藥紙帶溼。以無藥一面對板壁上貼之。陰乾收用。臨時隨瘡大小。剪紙多少。先用溫湯洗淨。隨將紙有藥一面對瘡貼之。絹扎三日。一換白然止痛生肌。如貼後內無水出。不必換貼。自愈。

徐曰做法無謂。

蜈蚣錢

蜈蚣錢治人頑癰
甘草加上同熬就

獨活桐油自芷煎
傾入瘡中黑腐痊

治癰瘡多年黑腐臭爛作疼諸藥不效者用桐油

兩獨活白芷甘草蜈蚣各一錢入油內煎滾先將癰

瘡洗淨用白麴水調作圈圍在瘡之四邊毋令泄氣

走油將腳放平以茶匙挑油漸漸乘熱加滿待油溫

取去已後腐肉風毒自然脫下用解毒紫金膏搽上

紙蓋絹扎三日一換

徐曰此法甚奇一切腐敗頑肉蟲蝕俱可用



解毒紫金膏

見結毒門

治癰瘡母論新久及頑瘡年久不愈者。

四生丸

四生丸療久癰瘡地龍白附僵蠶等

骨節多疼舉動妨草烏靈脂共丸良

治外癰血風頑瘡骨節疼痛不能舉動或行步不前

或渾身疼癢或麻痺不仁或生斑疹。

地龍

去土

僵蠶

炒去絲

白附子、五靈脂

草烏

去皮尖泡各等分

右為細末。米糊丸桐子大。每服三四十九。食前茶酒

任下。



徐曰。此法不驗。

臙瘡應用方

腎氣丸

見肺癰門

血風瘡第八十三

血風瘡乃風熱溼熱血熱三者交感而生發則搔癢無度破流脂水日漸沿開甚者內服消風散加牛膝黃柏外搽解毒雄黃散或如意金黃散如年久紫黑堅硬氣血不行者用針砭去黑血以神燈照法薰之以解鬱毒次以前藥敷之方效



北京中醫藥大學圖書館版權所有